

JU Osnovna škola „Mirsad Prnjavorac“ Vogošća

Izvedbeni plan i program Škola u prirodi za učenike trećeg razreda

Školska 2016./2017. godina

**Vođe puta:
Zlata Bjelica
Izet Turšić**

IZVEDBENI PLAN I PROGRAM

a) Odgojno-obrazovni ciljevi i zadaci

Odgojno-obrazovni ciljevi su razvrstani i složeni, u društvenom pogledu su prioritetni i veoma odgovorni, a dijele se na: opće (odgojne, obrazovne i funkcionalne) i posebne.

Odgojni ciljevi se odnose na sticanje vrlina i pozitivnih navika, na razvijanje valjanih moralnih shvatanja i usvajanja kulturnog ponašanja, a prvenstveno utiču na voljnu aktivnost učenika, snaže je vrlinama i usmjeravaju prema društveno korisnim djelatnostima i plemenitom postupanju.

Obrazovni ciljevi se ostvaruju usvajanjem svih onih sadržaja oblika odgojno-obrazovnog rada, koji zahtjevaju izučavanje, razumjevanje i pamćenje, a odnose se na sticanje znanja pomoću raznih metoda i podsticanja slobodnih aktivnosti učenika.

Odgojni i obrazovni ciljevi se međusobno uslovljavaju i zajednički ostvaruju. Odgoj ima snažnu obrazovnu funkciju, a obrazovanje značajnu odgojnu funkciju.

Funkcionalni, odnosno praktični ciljevi obuhvataju umijeće sposobnosti radnih navika i iskustva koja se mogu primjeniti u neposrednoj životnoj praksi i ogledaju se kroz posebne zadatke da kod učenika razvijaju moć zapažanja i upoređivanja, zaključivanja i dokazivanja, apstrakcije i konkretizacije, analize i sinteze s namjerom da se kod učenika probudi smisao za uviđanje bitnih detalja i odnosa, uzročno posljedičnih veza i funkcija, da se pojača i radoznalost, istraživački duh, mašta i kritičnost, razvijanje voljne stvaralačke aktivnosti učenika. Funkcionalni ciljevi su bitan uslov za postizanje obrazovnih i odgojnih ciljeva.

Zadaci predstavljaju konkretizaciju ciljeva.

Ciljeve treba konkretizovati kroz sljedeće zadatke:

- ✓ upoznavanje načina života i rada stanovnika pojedinih krajeva;
- ✓ razvijanje pozitivnog odnosa prema kulturnim i estetskim vrijednostima;
- ✓ razvijanje pozitivnih socijalnih odnosa;
- ✓ podsticanje i ispoljavanje pozitivnih emocionalnih doživljaja.

Učenici će se u Školi u prirodi- Šabići upoznati sa prirodno-geografskim obilježjima i historijskim znamenitostima.

Ovakvo putovanje će svakako pozitivno djelovati na socio-psihički razvoj učenika.

b) Sadržaj, metode i sredstva kojima se postavljeni zadaci ostvaruju

Sadržaj odgojno-obrazovnog rada predstavlja solidnu osnovu za jake podstreke za ostvarivanje ciljeva s područja moralnog, radnog, intelektualnog, estetskog odgoja.

Škola u prirodi odlikuje istraživački karakter i objedinjavanje mnoštva organizacionih i metodičkih radnji. To podrazumjeva dobru pripremljenost učenika i nastavnika, posebno na području motivacije da se što više zapazi, sazna, zabilježi i upamti.

Odgojno-obrazovna svrha Škole u prirodi ogleda se u neposrednom opažanju i potpunom doživljaju stvarnosti i na taj način se stiču dublja i trajnija znanja, te ublažavaju negativne posljedice verbalističke nastave.

c) Nosioци realizacije predviđenih aktivnosti

Nosioци realizacije svih aktivnosti su direktorica škole Salčin Sabiha, vođa puta za prvu grupu III-3 Izet Turšić i razrednica Đenana Kadija III -1 odjeljenja, te razrednici odjeljenja III-2 Paša Kulo, i vođa puta za drugu grupu razrednica Zlata Bjelica III - 4.

Škola u prirodi mora zadovoljiti minimalne zahtjeve putovanja. Te zahtjeve treba obezbjediti kroz sveobuhvatnu stručni i tehničku pripremu, a sve u skladu sa Pravilnikom o organizaciji i realizaciji izleta, studijskih posjeta, ekurzija, kampovanja / logorovanja, društveno-korisnog rada, škole u prirodi i drugih oblika odgojno-obrazovnog rada u osnovnoj i srednjoj školi, izdatog od strane Ministarstva obrazovanja, nauke i mladih Kantona Sarajevo od 31. decembra 2010. godine.

Posebnu pažnju treba obratiti na bezbjednost kao nezaobilazan zahtjev u organizaciji i realizaciji, a podrazumjeva poduzimanje sigurnosnih mjera i upravljanje rizicima u postupku organizacije i realizacije. U tu svrhu treba posebno naglasiti sve odredbe Etičkog kodeksa kojih se moraju podržavati svi učesnici tokom boravka u Školi u prirodi.

d) Planirani obuhvat učenika

U realizaciji Škole u prirodi će učestvovati učenici trećih razreda. U svim odjeljenjima provedena je anketa, gdje je ukupno anketirano 116 učenika. Za boravak u školi u prirodi izjasnilo se 82 učenika što je ukupno 70,68 %. Njih 34 se izjasnilo da ne idu, što je ukupno 29,31%.

e) Dužina trajanja

Škola u prirodi će trajati ukupno tri dana (dva noćenja) i trebala bi se realizovati u mjesecu maju tekuće godine.

Realizacija Škole u prirodi bi se izvela u dvije grupe i to prva grupa od 22.05. do 24.05. i druga grupa od 24.05. do 26.05. u pratnji svojih učiteljica.

f) Planirani putni pravci i planirana destinacija

Planirani putni pravci:

Polazak: Vogošća – Šabići

Povratak: Šabići - Vogošća.

„ Škola u prirodi“ - Šabići se nalaze 30 km južno od Sarajeva, na nadmorskoj visini od 1100 m, na razmeđu triju planina: Bjelašnice, Treskavice i Visočice. Plato smješten između ovih planina je jedna od vodećih turističkih atrakcija Sarajeva i BiH. Škola je smještena u prirodnom i seoskom ambijentu. Blizina kanjona rijeke Rakitnice, je okružena bjelogoričnom i crnogoričnom šumom, prekrasnim stazama, pašnjacima i izvorima pitke vode, predstavlja ambijent čiste i netaknute prirode. Do škole vodi asfaltni put iz Sarajeva koji je uvezan gradskim prijevozom i saobraća pored olimpijskih objekata na Bjelašnici. U neposrednoj blizini škole nalazi se ambulanta čije osoblje je na raspolaganju gostima škole. U zgradi za smještaj nalazi se telefonska govornica (033/437-873) i kantina u kojoj djeca mogu kupiti sve vrste slatkiša i grickalica kao i kartice za telefonsku govornicu i kartice za dopunu mobitela. Škola u prirodi zadovoljava sve kriterije, izuzetno je opremljena i nudi odabrane sadržaje određene planom i programom škole u prirodi. Nastavni sadržaji koji su učenicima teški i nerazumljivi jer su daleko od njihovog iskustva, postaju u konkretnom okruženju vidljivi , opipljivi, interesantni i tako se lako pamte. Škola raspolaže sa 20 soba(dvokrevetnih, četverokrevetnih, šesterokrevetnih) te ukupno 80 ležajeva. Svaka soba ima zasebno, savremeno opremljeno kupatilo sa toaletom. U školskoj zgradi nalaze se dvije učionice gdje se odvija teorijski dio nastavnog procesa, opremljene svim potrebnim nastavnim sredstvima. U drugom dijelu zgrade nalazi se zbornica, kuhinja i restoran sa dvije sale istog kapaciteta. U istoj zgradi nalazi se disko, koji je rezervisan za zabavno – rekreativni program.

g) Opis prijevoza, ugostiteljskih usluga i drugih usluga

Minimalni zahtjevi putovanja:

Putovanje zauzima značajno mjesto u realizaciji Škole u prirodi , te je u tom smislu postoji obaveza da se obezbijede uslove za sigurno i udobno putovanje učesnika. Sigurno putovanje, podrazumijeva obavezu Agencije da koristi samo ona prijevozna sredstva (vlastita prijevozna sredstva ili prijevozna sredstva u vlasništvu drugih pravnih i fizičkih lica koja su registrirana za obavljanje djelatnosti prijevoza putnika) u kojima su putnici i prtljag osigurani (putničko i zdravstveno osiguranje). Pri realizaciji putovanja moraju se koristiti autobusi odgovarajuće starosti, tehnički ispravni i pregledani, pod uslovom da njima upravljaju lica, koja ispunjavaju zahtjeve u pogledu profesionalne obučenosti i kompetentnosti i za koja Agencija školi dostavi pisane dokaze o psihofizičkoj sposobnosti za upravljanje autobusom (tehnografske trake za prethodna dva dana), za vozače koji su angažavani za prijevoz. Zahtjevi u pogledu starosti autobusa (kao najčešće korištenog sredstva za prijevoz učenika) su za putovanje kroz Bosnu i Hercegovinu moraju se koristiti autobusi koji nisu stariji od deset godina. Zahtjevi u pogledu tehničke ispravnosti autobusa podrazumijevaju obavezu Agencije da osigura, te pravo i obavezu škole da zahtijeva, prije realizacije putovanja dostavljanje pisanih dokaza o, tehničkim pregledima autobusa koji se koriste za putovanje (redovni tehnički pregledi u posljednjih šest mjeseci i tehnički pregled obavljen ne ranije od pet dana prije putovanja). Zahtjevi u pogledu udobnosti podrazumijevaju obavezu Agencije i škole da osiguraju potreban broj sjedišta u autobusu ili putničkom motornom vozilu. Direktor ima obavezu obustave početka putovanja, ako nisu ispunjeni svi uslovi u skladu sa ovim pravilnikom, te ako utvrdi da prijevozno sredstvo nema dokaze o ispunjavanju navedenih uslova u pogledu tehničke ispravnosti, potrebnog broja sjedišta i odgovarajuće udobnosti, kao i u slučaju kada je očigledno da je vozač u takvom psiho-fizičkom stanju da nije sposoban sigurno upravljati vozilom (alkoholiziranost, umor, bolest, djelovanje opojnih droga

ili lijekova na kojima je označeno da se ne smiju upotrebljavati prije i za vrijeme vožnje) o čemu će obavijestiti odgovorno lice Agencije, Ministarstvo obrazovanja i nauke i nadležni organ Ministarstva unutrašnjih poslova.

h) Odredbe o upravljanju rizicima realizacije

Imajući u vidu činjenicu da je odgojno-obrazovni rad složen proces, planski organizovan i vođen, u kojem učesnici usvajaju znanja, stiču vještine i navike, psihički se razvijaju i svestrano se odgajaju, škola je obavezna preventivno postupati preduzimanjem niza sigurnosnih mjera kako bi povećan rizik, kao bitna karakteristika škole u prirodi, bio sveden na razumnu mjeru, odnosno minimum.

Preventivno postupanje predstavlja niz planskih aktivnosti usmjerenih na povećanje sigurnosti svih sudionika uključenih u školu u prirodi, a ogleda se u:

- ✓ pravovremenom upoznavanju roditelja / staratelja učenika sa školom u prirodi koji je planirana Godišnjim programom rada škole;
- ✓ planskom upoznavanju učenika i roditelja / staratelja sa etičkim kodeksom (društveno prihvatljiva pravila ponašanja), na časovima odjeljske zajednice, odnosno na roditeljskim sastancima;
- ✓ upoznavanju učenika sa pravilima sigurnosti i zaštite od socijalno neprihvatljivih oblika ponašanja, diskriminacije, neprijateljstva i svih oblika nasilja sa posebnim osvrtom na vršnjačko nasilje;
- ✓ zaštitnim mjerama od odlaska učesnika na neprikladna mjesta;
- ✓ edukaciji učenika sa ciljem aktivnog doprinosa učenika u procesu realizacije škole u prirodi;
- ✓ obavezi škole da pored vođe putovanja, odredi i po jednog pratioca zaposlenika škole na svakih najmanje 15, a najviše 20 učenika;
- ✓ obavezi roditelja / staratelja da blagovremeno upoznaju nosioce aktivnosti organizacije i realizacije škole u prirodi o zdravstvenom stanju i sklonostima njihove djece, odnosno učenika;
- ✓ obavezi upoznavanja svih sudionika sa preporukama Ministarstva zdravstva o postupanju u slučajevima da dođe do razboljevanja učesnika u toku putovanja i boravka u turističkom mjestu.

i) Tehnička realizacija

Tehnička priprema podrazumjeva radnje organizacije i realizacije, a naročito:

- ✓ usaglašavanje programa putovanja i općih uslova putovanja sa Zakonom o turističkoj djelatnosti, Zakonom o ugostiteljskoj djelatnosti i odredbama Pravilnika o organizaciji i realizaciji ekskurzije;
- ✓ utvrđivanje i upoznavanjem sa vremenskim okvirom, odnosno terminima (polazak, dolazak, boravak, povratak);
- ✓ poduzimanje sigurnosnih mjera i upravljanje rizicima u postupku realizacije oblika odgojno-obrazovnog rada;
- ✓ druge obaveze, uvažavajući specifičnost škole u prirodi.

j) Način finansiranja po kategorijama učenika

Roditelji obezbjeđuju sredstva za finansiranje učešća svoje djece / učenika, koja podrazumjevaju sve troškove neophodne za učešće u školi u prirodi, kao i troškove koji podrazumjevaju naknadu štete prouzrokovane nemarnim ponašanjem učenika.

Način plaćanja (broj rata, avans) uz obavezu ugovaranja da roditelji /staratelji uplaćuju sredstva na račun agencije te da školi dostave jednu kopiju uplatnice.

k) Ostalo

Tokom realizacije škole u prirodi posebnu pažnju treba obratiti na:

- ✓ informisanje roditelja;
- ✓ dnevnik rada;
- ✓ evidentiranje bitnih podataka.

Po završetku škole u prirodi , na prvoj narednoj sjednici Nastavničkog vijeća, vođa puta će podnijeti izvještaj o realizaciji.

Evaluacija škole u prirodi izvršit će se u skladu sa čl. 68. Pravilnika o organizaciji i realizaciji izleta, studijskih posjeta, ekurzija, kampovanja / logorovanja, društveno-korisnog rada, škole u prirodi i drugih oblika odgojno-obrazovnog rada u osnovnoj i srednjoj školi, izdatog od strane Ministarstva obrazovanja, nauke i mladih Kantona Sarajevo od 31. decembra 2010. godine.

Za sve ostalne, eventualne, situacije koje nisu navedene u ovom Izvedbenom planu i programu primjenjivati će se odredbe već pomenutog Pravilnika, pri čemu će se posebna pažnja posvetiti na prava i obaveze organa i tijela škole, roditelja / staratelja, učenika.

U svakom slučaju, škola u prirodi se organizuje i realizuje u najboljem interesu učenika.

Vođe puta:

Izet Turšić prva grupa

Zlata Bjelica-druga grupa